

Op les bie Johanna F. van Buren

*Nog vake zee ik diene verskes wier
en deank, wat wör dat leazersvolk verweand.
Meer Heldern vund ik smos zoo wied van hier;
wat zunde-jammer, da'k diej nooit heb keand.*

*Meer a'k noe diene ,leedties' leazn goa,
is t net of doe, Jehannoa, nöast mie zits;
dan kleenkt mie diene fiene stem zoo noa
en dien gezicht dat dreg wat bleenknd-wits.*

*Van diej, gewone juffer van de post,
he'k toovedan ne riego lesn leerd;
zuks hef mie heel wat meuite kost,
mer t is mie aait nog daanknsweerd.*

*Begriep, zoolaank der volk in Twente is,
dat dien gebod vust zien beskeed wa krig,
want oet mien' noabers weur verstoa ik wis:
dee mooie modersproak verget wie nich.*

Ben Frey

*(17 januari 1992 is t dertig joar ledn
dat Johanna F. van Buren oet de tied is gaan.)*

